

RNI 68092/83 Regn. No. N.E. 1024

From

Synod Literature & Publication Board

Synod Office, Mission Veng

Aizawl – 796 001, Mizoram

Phone : 2324590



E-mail : slpb@rediffmail.co.in

Vol. XXV No. 333

N E W S L E T T E R

June, 2011

**SYNOD HNUAIA COMMITTEE SANG BER SYNOD EXECUTIVE
COMMITTEE VAWI 234 -NA TLUANG TAKA ZAWH FEL A NI**

- (1) *Secular College din dan turah consultation neih tum a ni*
- (2) *Biak In chhunga inchei dan tur kaihruaina siam tum a ni*
- (3) *NEIGRIHMS (Shillong) bul hnaiah Khualbuk neih rawt a ni*

Mizoram Presbyterian Kohhran hnuaiia Committee sang ber Executive Committee vawi 234-na chu Dt. 7 - 9 June, 2011 chhung khan Synod Office Building thar J.M. Lloyd Hall-ah tluang taka neih zawh a ni. Member 135-ah 129 an kal thei a, rorel pawh tluang taka neih a ni.

SEC Committee hi Synod Moderator Rev. C. Lalsangliana'n a kaihruai a, thu lian tak tak eng emaw zat rel a ni a, thurel thenkhatte chu –

1) Synod Inkhawmpui 2010-in a lo rel tawh angin Synod-in Secular College din rawh se, tih chu lo zir chiang tura hma latuten an sawi hnuah consultation neih ni se tih a ni a, hemi hnuah hian SEC-in a la ngaihtuah that leh tura tih a ni.

2) Pavalai Pawl chungchanga inkaihruaina dan siam thu SEC hmasain a rel tawh chu sawiho a ni a. Heta sawihona hre reng chung hian inkaihruaina ruahmantute hian rawn duang tha leh tura tih a ni a, SEC leh-ah enthat leh tura dah a ni.

3) Sikulpui lak let leh chungchanga thu dah chu ngun takin sawiho a ni a, Synod Officers Meeting-in a tul angin sawrkar hotute dawrin hma lo la zui zel se, SEC neih leh hunah ngaihtuah leh tura dah a ni.

4) Biak In chhunga inchei dan tur kaihruaina siam chungchang lo siamtu tura ruat ten an rawn duan chhuah chu thlirho a ni a, an sawihonate hre reng chungin a enthatuten lo siam tha leh sela, committee lehah thlir leh ni se tih a ni.

5) NEIGRIHMS (Shillong) Medical College bulah Synod-in khualbuk sak a rawtna chungchang Committee hmasain a lo rel tawh, mawh lo phur tura ruat ten an rawtna chu thlirho a ni a, ngun lehzuala rawtna lo siam tha leha Committee leh huna thirho leh tura dah a ni.

6) Pro Pastor lak dan tur ruahmanna siamtuten an lo duan chu ngun taka sawiho a ni a, an sawihona eng atanga rawn siam tha leh a, Committee leha thlir leh tura dah a ni.

7) Synod Mission Board hnuaiia Field Worker Pastor-te hamthatna chungchanga thu dah Synod Mission Board-in ruahmanna lo siam tura an tih angin an rawn siam chu thlirho a

ni a, Field Worker Pastor te hamthatna leh Pension Dan ruahmanna hi siam that ngaite siam that leh ni sela; tin, Children Education Allowance chu a thuphungin pawm a ni a; sawihona eng atangin siam rem ngaite siam remin Synod Pension Board-in lo zut mam sela, Synod Inkhawmpuia thlen theih turin SEC-ah rawn thlen leh tura tih a ni.

8) Pastor Quarters hnuai sak zawh lova a awm thin hi tunlai hunah a him tawk lova hriain sak zawh hram thin dan kawng zawn tula hriat a ni a, he thu hi ngun taka sawiho a nih hnuin Synod Inkhawmpuia thlen tura tih a ni.

9) Nakum 2012 February thla hian Will Graham Crusade neih tur a ni a, hemi atan hian Organising Committee siam tula hriatna a awm avangin SEC chuan thil tul awm ang lo bawh zui turin Officers Meeting a ruat.

10) SMTC-a zirlai Stipend thla khata Rs. 300/- ni thin chu khawlsak thin a ni a, hemi tlingkhawm hi khawl leisak nan hman thin a ni. Thil man to zelah pawisa tling khawm hian khawl a lei theih tak loh avangin Rs. 500/- ni tawh se tih a ni.

11) SMTC building sak that rawtna awmsa Synod Property Committee-in lo zirchianga ruahmanna a rawn thlen chu ngun taka ngaihtuah a nih hnuin Synod Inkhawmpuia thlen tura tih a ni.

12) Synod Officers Meeting chuan Pastor-a nemngheh tawh hnu a nupui sawrkar hna thawk chungchang hi engtia ngaih tur nge tih SEC-ah an rawn zawt a, "Pastor nupuite sawrkar hnathawh khapna dan kan neih hian a huam e," kan ti, tiin a rel.

13) SEC hmasa-in an lo rel tawh zawlaidi (Grape Wine) hi zu ni lo va, social drink-a siam chhuak turin alcohol content titlem tura ngenna sawrkarah thlen mek a ni a; tin, Hnahlan Grape chingtute (Grape Grower Society) hruaitute pawh sawipui an ni tawh tih thu dawn a ni baw.

14) PCI Administrative Secretary hming thlak, General Secretary tia thlak rawtna OM-in a lo thlir tawh chu SEC-ah a rawn thlen a, ngun taka ngaihtuah a nih hnuah Synod-ah thlen tura tih a ni.



Editorial Staff

Rev. Thangzauva Upa H. Ronghaka
Rev. B. Lalngkhakiana
Upa C.H. Thangkhuma

Thuthlung Hlui hi Thuthlung Thar darthlang a ni a. Thluthlung Thar eng atanga kan en let chuan Thuthlung Hlui dinhmun hi Chiang takin a hmuh fiah theih. Bible hi kan inenfiahna tura darthlang fiah tak ang a ni a. Min hrih ang taka kan kal chuan kalsualna lakah te min vengin, sual tam tak lakah hliahkhuhin kan awm bawk dawn a ni. Min hrih anga kan kal loh erawh chuan harsatna leh mangannain min nang ching ang a, vanduinana khurah min nam lut mai ang. Chuvangin Bible - kan ke atana khawnvar, kan kawng atana eng min hruaina chu i zui zel ang u.

HLA THLÛK INSIAM SIAK

A hnuai hla hi a thlûk insiam siak tur a ni a, heng hi hriat tur a ni:-

1. Zaipawl leh Solo-a sak theih turin part 4 (SCTB)-a siam tur a ni.
2. Tonic Solfa-a siam tur a ni.
3. Computer-a chhut theh luh tur a ni.
4. Thlûk siamtu hming leh address (Contact No. nen) Chiang takin phak hrang thil tel tur a ni.
5. A tha bera thlan hnenah lawmman Rs. 5,000/- pek a ni ang.
6. July 31, 2011 thleng Principal, Synod HSS hnenah theh luh theih a ni.

SYNOD HIGHER SECONDARY SCHOOL

1. Received from God, the need for it much felt,
Prayed for by those who daily humbly knelt;
A small seedling then, visioned to become tall,
Now a big school and among the best of all.
Synod Higher Secondary School,
We thank God for this gift so fruitful;
To show our purpose for all to know,
Pro Christi et ecclesia is our motto
By this we mean *For Christ and the Church* we stand,
And we keep working hard to brighten our land.
2. Thanks be to God our Lord, for His guidance,
And blessings on the school in abundance;
We are encouraged to go in His light,
If God is with us, the future will be bright.
3. Those before us we fondly remember,
Their deeds here we shall cherish for ever;
Teach us too now, Lord with the wisdom divine,
To help our beloved school to brightly shine.

PRE SERVICE MISSIONARY LEH HEALTH WORKER TRAINING DUH TAN

Mission Foundation Movement, Bawngkawn-ah dilna form lak chhuah theih a ni e. Ph- 2345400/2306270-ah zawh chian theih a ni.

WALES KOHHRAN HMEICHHE INKHAWMPUI LIAN 2011

Wales Presbyterian Kohhran Hmeichhe Inkhawmpui lian (Mission Rally) chu Wales ram chung Kohhran lian leh nung ber zinga mi Ebenezer Kohhran, Haverfordwest, Pembrokeshire-ah May ni 11.2011 khan hman a ni a. Wales ram bakah England hmun hrang hranga Wales Kohhran Hmeichhia an rawn kal khawm bawk a. Thusawitu Dr. Zamanthangi (Dr. Mani) London avangin kumin hian inkhawm palai kan tam zual a, Biak in khat mawi tawh kan kal khawm a, a ropui hle. Dr. Mani hian Retreat leh Wales Kohhran hrang hrangah thu a sawi tawh thin avangin an hre larin a thuchah ngaihthlak nuam an ti a, beiseina sang tak nen an rawn pungkawm a ni. Kan Pastor Bial pawhin Bus hire in kan thawk phei a, Kohhran mal atanga member kal tha ber kan ni ang.

Dr. Mani hian Abrahama, Mosia, Kaleba leh Sari te kum upa tak tawh te Pathianin a koh thu leh a hman chhoh dan te atanga chhuiin tuna hmeichhe lo pungkawm te hi an ni ai chuan la naupang zafwk leh kum tam tak Pathian tana la thawk thei an ni' tiin thiam takin a sawi a, ngaihthlatuten an kham lo hle mai. Pastor thenkhat in an Kohhran-a thusawi tura sawm an duhthu an sawi nual a, hriat nuam tak a ni. He khawmpui-ah hian, Moderator pali laiin chibai buk leh duhsakna thu an sawi a, thil awm ngai lo tak a ni bawk. Khasi hmeichhia sawm rualin an rawn chhim bawk a, a lawmawm hle. Amaherawhchu, kan Mizo hmeichhe 10 rual ni zawk ta se a va hlimawm zual dawn em! ka ti a. Ka ngaihthuah zui zel a, Khasi ho hian keini aiin kum 50 chuang zetin Chanchin Tha an dawng hmasa zawk a. Mahse, an hmeichhia palaite chibai buk leh zai chuan kan Mizo Hmeichhia te an phak loh zia a ti lang Chiang hle a. Keini aiin kum 50 chuangin an hnufum ta a nih hi le, ka ti a. Inkhawmpui President leh Moderator thusawi reng reng khan Khasi ho chu Mizoram peng pakhat angin an sawi deuh vek lehngal a, an tan hriat a nuam lo viau ang. Wales Kohhran hian Mizo Kohhran te min hmuh san zia leh an Kohhran harhthar leh nan kan lakah beiseina sang tak an nei a, an hriin Kohhran zingah pawh mawh kan phur zual bik a ni tih a tarlang Chiang hle. Inkhawmpui zawh hian a thlengtu Kohhranin thingpui leh chhang ruai an buatsaih chu kan chang ho va, inkawmhona remchang a ni zel bawk a, a hlimawm hle. An Kohhran member thenkhat a bikin Youth Worker-te kan hnena rawn zir tura rawn tirh an duh thu te an sawi a, kan thawh chhun tlem mah se anmahni Wales mite ngei hmangin Pathianin min hmang ve zel a, kan lawm hle. Kan Mizo pui ngei Dr. Manin' Pathian thuchah nung tak nena min rawn pui thin hian kan member-te rinna a tihnghehsak bakah Kohhranhote min tipumkhattu hmanruaah Pathianin a hmang hi kan lawm em em a ni. Mizoram Kohhranin min tawngtaisak zel hi kan lawm em em a ni.

- Rev. Dr. H.Sangkhuma, Prebyterian Church of Wales



Vei nei tih hriat tak mai mi pahnih hian Ralvengtu an rawn pan a, a hnenah, “Ralvengtu, tunlai hian dan bawhchhia, dan pawisa lo an tam ta hlein an sawi a, a dan chawp hian thiat vek mai ila a thain kan hria,” an ti a. Ralvengtu chuan, “Chutianga in sawi mai le, dan reng reng hi beisei angin zawm tha taw lo mah ila, a dan te chu mi tam berin an zawm a, a tha reng alawm. Heng Mosia dan, ‘Tualthat suh, Uire suh,’ tih te hi kum 1000 tam tak a that ngaiin a la tha reng; bawhchhia an awm avanga heng dante hi thiat tur a ni hlei nem. Dan hi kawng dik min kawhhuhtu, kalsualna laka min vengtu a ni asin,” a ti a.

Mite chuan, “Ralvengtu, a nih leh ‘Zu khap burna dan’ (MLTP Act - 1995) Sawrkarin a siam te, NLUP te, Forest department-ten ‘Ram tih kan loh tur dan’ a siam te, ‘Luia sangha tura hrai loh tur,’ a tih te hi a hlawhtling vek si lo va, heng dan te hi thiat mai a tha lo maw?” an ti a. Ralvengtu chuan, “E khai aw! Dan bawhchhetute lamah in tang mai ang tih ka va hlau tak em! Sawrkarin emaw, Kohhranin emaw, NGO pawhin emaw an dan siam chu duh angin hlawtling taw lo mah se, he dan hi a tha lo, i thiat mai teh ang u, an ti ngai reng reng lo. Zu khap burna dan te hi a hlawhtlin loh phei chuan khap bur lohna dan phei chu siam ila chuan a tha lo nasain, Mizo Kristiante hian kan chhiat phah hle ang tih hre ta che u, hmânah pawh in hriat tawh kha,” a ti a.

Mite chuan, “Ralvengtu, kan va han lawm tak em! kawng dik ni awm taka langah kan lo kal hman thelh alawm le. Keimahnih leh kan ram pawh hi kawng hlauhawma kal lo turin min veng zel rawh aw,” an ti a. Hlim takin an inthen ta rih a.

SYNOD LAY WORKERS-TEN LAY DAY AN HMANG

Mizoram Presbyterian Church Synod hnuaiia ordained Minister ni lo zawng zawng, thawk mek leh pensioner-te inthlunzawmna Synod Lay Workers’ Fellowship chuan May 27.2011 (Zirtawpni) khan P.C. Girls’ School-ah Lay Day an hmang. Lay Day hi PRESCOM leh P.C. Girls’ School-ten an inthlen jawm a ni.

Lay Day programme hi hun hnihah thenin chawhma lamah hun urhsun an hmang a, inchhiarnate neiin; SLWF Secretary leh Treasurer report ngaihthlak a ni a, Synod Moderator Rev. C. Lalsanglian Lay Day address a pe.

Rev. Vanlalbelan Lay Day 2011 thupui “Pathian lawmtlak inthawina” (Rom 12:1) tih a sawi a. Chawhnu lam hun hi Pathian faka zaiho nan hman a ni a, Synod Music Instructor Pu Lalromawian ‘Fakna thiltihtheihna’ tih thupui a sawi a, tlaiah chawhlui kilho nghal a ni.

PRESBYTERIAN HOSPITAL, DURTLANG MAY, 2011 CHHUNGA THILPEK DAWNTE

I. CHARITY FUND:

1. Khawlailung Dinthar Pastor Bial Kohhran Hmeichhia	Rs. 3,000.00
2. Lungpho Pastor Bial Kohhran Hmeichhia	Rs. 2,000.00
3. KTP, Kulikawn Branch	Rs. 5,000.00
4. Presbyterian Kohhran Sateek	Rs. 10,000.00
5. Gateway Enterprise, Bawngkawn	Rs. 1,000.00
6. Jedidia Enterprise, Vaivakawn	Rs. 20,000.00
7. R.S. Drugs Store, Hospital Road, Aizawl	Rs. 20,000.00
8. Life Drug Centre, Upper Bazar, Hosp. Road, Aizawl	Rs. 20,000.00
9. Sialsuk Pastor Bial Kohhran Hmeichhia	Rs. 2,000.00
10. Upa K. Lianhnuna, ITI Veng	Rs. 500.00
11. KTP Mamit Branch	Rs. 2,000.00
12. New Serchhip Pastor Bial KTP	Rs. 3,000.00
13. Joseph Lalrinsailova, Treasury Square, Venghlui	Rs. 1,000.00
14. Dr. Rebecca Lalrintluangi, Madanriting, Shillong	Rs. 5,000.00
15. Baktawng Pastor Bial Kohhran Hmeichhia	Rs. 5,000.00
16. Marpara Ramthar Bial Kohhran Hmeichhia	Rs. 2,000.00
TOTAL	Rs. 1,01,500

II. THISEN PETE : UNIT PEK ZAT

1. KTP, Zemabawk Branch	43 Units
2. Catholic Thalai Aizawl Diocese	100 Units
3. KTP, Serchhip Vengchung Pastor	55 Units
4. NSUI, Congress Bhavan	34 Units
5. KTP, N. Lungleng Branch	30 Units
6. KTP, Leitan Pastor Bial	52 Units
7. KTP, Republic Pastor Bial	127 Units
TOTAL	441 Units

III. THIL DANG:

1. Bialte Pastor Bial Kohhran Hmeichhia Hmunphiah leh Swabstick thahnem tak
 2. Sialsuk Hmunchung Kohhran Pavalai – Hmunphiah 50
 3. Serchhip Vengchung Pastor Bial KTP – Hmunphiah 52
 4. Haulawng Pastor Bial – Hmunphiah thahnem tak
 5. Dr. Lalthakimi Darngawn, Gynaecologist – ICU-a hman tur Aqua Guard
- Thikpek petute chungah kan Lalpa Isua Krista hmingin lawmthu kan sawi tak meuh meuh a ni e.

Sd/- (Rev. C. LALBIAKHLUNA)
Chaplain,
Presbyterian Hospital



KEITUM DINTHAR KOHHRAN chuan Dt. 25.4.2011 – 1.5.11 chhung khan Pathian Thuruk Enkawltu Team speaker, Pu Laltindawla ruaiin Crusade an nei a, hei bakah hian Naupang Lâng Camp an nei bawk a, Kohhran mipuiten harhtharna ropui tak an chang a, an lawm hle.

DARLAWN KOHHRAN chuan Dt. 23.4.2011 – 22.5.11 chhung khan Tv. C. Zairemmawia, Dinthar lehna Team Speaker ruaiin puitling Camp chhawng li leh tleirawl camp an buatsaih a; Campa lut zawng zawng te hi mi 1038 an ni a. Kohhran pawl hrang hrang aţangin mi eng emaw zat an lut bawk. Kohhran mi ngui leh chau tawhten Pathian Thlarau Thianghlim zara harhthar lehna an chang nasa hle a, an lawm tak zet a ni. Pathian duh loh zawng hluihlawn thil eng emaw zat an halral bawk.

PAMCHUNG KOHHRAN chuan Dt. 14 – 22.May, 2011 chhung khan Pu R.Lalrinsanga, Gospel Believers Team Speaker-a hmangin Crusade, Camping leh Naupang Lâng Camp an nei a, Campers mi 148 lai an lut a; Pathian Thlarau Thianghlim tihharhtharna an chang a, an lawm hle a ni. Kohhran pawl dang aţang pawhin mi eng emaw zat an lo lut a, an lawm hle.

RABUNG KOHHRAN chuan Dt. 30.4.2011 – 1.5.2011 chhung khan Tv. C. Lalchullova, Gospel Logos Team Speaker-a hmangin Finance campaign an nei a. Ni 3 – 21.5.2011 chhung khan Chhandamna camping an nei nghal bawk a. Camping hi chhawng thum an nei a; Kohhranah harhtharna a thleng a, an lawm hle. Kohhran pawl dang aţang pawhin mi eng emaw zat an lut a, an lawm hle tih thu kan dawng. He rawngbawlina avang hian Pathian ram thilpekah hma an sawn pahin an hria a, sawma pakhat pe ngai loten pek an intiam bakah pe thin te pawhin hma sawn zel turin intiamna thar an nei tih thu kan dawng.

HRIATTIRNA

Presbyterian Hospital, Durtlang chuan GNM zir tur a la dawn a, Prospectus/Application Form Dt. 1 - 25.June.2011 chhungin Principal Office, School of Nursing, Presbyterian Hospital, Durtlang-ah dar 9:00 am - 4:00 pm chhungin lei leh thehluh theih a ni e.

Prospectus/Application form man Rs. 100/-

Dil thei chin :

- 10+2 emaw a tlukpui emaw pass, 45% mark hmu chin.
- Nupui/pasal la nei lo, kum 17 - 35 inkar.

Sd/- Director
Presbyterian Hospital

SYNOD REVIVAL CAMPING CENTRE BIAK IN THUTTHLENG DONATE TE

<i>Kohhran/mimal hming</i>	<i>pek zat</i>	<i>Rs.</i>
1. Damparengpui	1	500
2. Republic veng	10	5,000
3. Durtlang	10	5,000
4. Tlungvel Vengthar	2	5,000
5. Keifang Police veng	1	5,000
6. Saitual chhim veng	4	2,000
7. Republic Vengthlang	5	2,500
8. Saitual North	1	500
9. Chawnpui	10	5,000
10. Dinthar	10	5,000
11. Mission Veng	20	10,000
12. Thingsul Hospt. Veng	2	1,000
13. E.Lungdar Venghulun	2	1,000
14. Sihfa	2	1,000
15. Chhingchhip Venghulun	2	1,100
16. Hlimen	4	2,000
17. Ramhlun Vengthlang	10	5,000
18. Zemabawk	10	5,000
19. Kolasib Hmar Veng	5	2,500
20. Tuikual South	5	2,500
21. Samlukhai	1	500
22. Tanhril Vengthar	2	1,000
23. Phullen	1	500
24. N.Chaltlang Vengthlang	1	500
25. Pu Rotluanga Rokhum, Dinthar vengin a fate Lalropuia leh Lal-hmingliani hriat reng nan	2	1,000
26. Pi Lalbiakzami, chandmary vengin a nu Pi Chuhveli hriat reng nan	10	5,000
27. Pu Lalsangliana, Dinthar	1	500
28. Pu ST Vunga Hrahsel Saiha	1	500
29. Pu Lalruatkima, Hunthar veng	1	500
30. Pu H.Thanga te chhung, Zomi Agencies Bawngkawn	2	1,000
31. Pi Rotluangi, Bungkawn Tlang veng in a pasal F.Lallawma hriat reng nan	1	500
32. Pu Lalsawmliana sailo te nupa Bungkawn dam veng	1	500
33. Rullam Kohhran	1	500
34. David Lalremruata, Zarkawt	10	5,000
35. Rabung vengthlang	1	500
36. New Serchhip Pastor Bial	10	5,000
TOTOAL :		81,100